



Poputan Pochokunan: August 4, 2020

An Unusen State Kapsaen Ourour fan iten Suuk Sefan – ekkewe Chon Omwokutu Ekkewe Sakopaten Nenien Kukunou ika Apwapwa mei nomw Non me Nukun (Nenien maan, Museums, Nenien katon kachito won wom chitosa, Nenien Kitirin Chitosa me Ekkewe Ataken Ira Ning, ekkewe Aquarium)

Pochokunen Nemenem: Pungung Atutun No. 20-27, ORS 433.443, ORS 431A.010, ORS 433.441, ORS 433.443

Pwouetan: Ei eureur fan iten ekewe chon omwokutu ekkewe nenien kukunou me apwapwa mei nomw non me nukun imw ren nenien maan, museums, nenien katon kachito me won womw toraku, nenien kitir won toraku, ekkewe ataken ira ning, me ekkewe aquarium non unusen ei state. Ei ourour a mwut ngeni ekkewe museum me ekkewe aquarium ar repwe suk nge esapw wor ar repwe fori angangen exhibit nge repwe kinefengen, nge epwe chok tongeni ar repwe fori angangen exhibit ika pwe rese kinefengen non ei fansoun.

Angangen Apochokuna: Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, an epwe tufich wor pochokunan usun mei affat non ewe Otutun 20-27, teten 26.

Awewen foos: Fan iten ei ourour, ekkei awewen foos repwe tongeni wewefich ngeni:

- **Ekkewe nenien Kikitir Won Toraku** wewen ekkewe sokkun nenien kitirin toraku ika skuter sein kitir. Ese pachenong ekewe nenien kitir ren go-kart me ekewe nenien kukunow faniten go-karting.

Ekkewe Chon Omwokutu Ekkewe Sakopaten Nenien Kukunou ika Apwapwa mei nomw Non me Nukun (nenien maan, museums, nenien katon kachito won wom chitosa, nenien kitirin chitosa, ekkewe ataken ira ning, me ekkewe aquarium) mei menei pwe repwe:

- Nengenifichi ika ekkewe pisekin non ewe neni mei chiwen eochun aea, anongonong won met sokkun angangen tumwun me aean mei nomw non pwuken awewen angangen ewe pisek me pwan met masowen ewe standard operating procedure.
- Anneani me anganga [Unusen Eureur ren Nenien Angang](#).

Koukun Towawfesenin Nefinen Aramas

- Eukuku ukukun chochon aramas non ew neni ngeni 100 aramas repwe nomw non ika 250 aramas ren chochon repwe nomw nukun, esapw nap seni 250 chon nomw non me nukun; ika ewe ukukun aramas, pachenong chon angang, anongonong won ukukun aramas repwe tongeni nomw non ewe neni (square fit/chochon), **ika ifan ukukun an epwe chokukun seni.**
- Ekei nenien chufengen a kouk ngeni an epwene chok 10 aramas ika kisi seni. Non ekkewe neni ir mei aea fengen nenien momot, kosapw ochufengeni chon mwicheich/chon chuuto ika pwe rese finata pwe ir mei mochen repwe chok chufengen.
- Awora ukukun onuw fiit (6) towawen nefinen iokkewe aramas seni pwan ekkoch. Affataechu pwe iokewe chon ew mwich ir mei tongeni chufengen ne ani ew mwokutukut, uta fengen non nain, iwe ese pwan menei ar repwe towawfesen non ukukun onuw (6) fit.
- Fori ekkewe nenien momot me/ika nenien urumwot an epwe fiti ngeni kokotun onnukun towaw fesen nefinen aramas.
- Kosapw ochufengeni fitu mwich repwe aea fengen ew kinikinin nenien momot ika esapw ir chiechi.
- Omwokutu ika euku nenien momot/refirefin nefin/aanen fetan fan iten ponuwetan ewe onuw (6) fit towawen nefien aramas ekewe esapw ir chon ew mwich.
- Ese mumuta aramas seni fitu mwicheich repwe mwich/achupach non ew neni, ren non me nukun, pwan pachenong ekewe nenien parkun toraku.
- Esapw or mokutukutun me angangen urumot non ekewe nenien kukunou/nenien pwor/nenien kukunow an semirit.
- **Esapw suuk ewe neni** ika esapw pwonueta ourour faniten towawen nefinen aramas, ne nukun chok ekis mochomochon fansoun kanefengenin aramas, ika pwe esapw tongeni fis me opwonueta pwan ekkoch ourour mei auchea an epwe fis. Ei angangen kesipeno ngeni ir me ruw ekkewe neni ir mei efisi ar angangen omwokut non me nukun ar kewe neni.

Chon angang

- Tichiki meininis chon angang repwe aea pwonupwonun aaw me pwot, eppetin won maas, ika mangaku, taropwe ika ekkewe pwonupwonun maas aean chok ew fansoun an epwe fiti ngeni an [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State](#). Ika emon chon angang ese tongeni aea apwonun aaw me pwot, appetin maas ika apwonun maas pokiten terin inisin, ewe angang epwe affor me ewe chon angang ika epwe kaor ngeni wewechun aninis. Ew wewechun anapanap ese pachenong an epwe mutanong emon chon angang non nge ese aea pwonupwonun aaw me pwot, pwonupwonun maas ika eppetin won maas. Mi or ekkoch fansoun kosapw aea pwonupwonun aaw me pwot, eppetin maas ika pwonupwonun maas non ew neeni mi pachenong non ewe [ourour an unusen state](#), nge ese wor mei ketiweu seni. Ewe meinapen angang epwe angang ngeni ar we putain human resources ika kapas ngeni nour we sou onnuk ren met repwe fori ren ei sokkun

wewe. Meinapen angang mi tongeni churi ewe [Bureau of Labor and Industries \(BOLI\)](#) fanitenangangen aninis.

- Ewe nenien angang epwe awora pwonupwonun aaw me pwot, eppetin won maas ika pwonupwonun won maas ngeni chon angang.
- Aiti ngeni meinisin chon angang usun angangen enimeniem (katon me fan) me pwan angangen nimenimoch pachenong ar repwe tonu pour iteitan ngeni sopw me konik non ukukun 20 seken.
- Nengeni sefani me fiti ewe [Kapasen Ourour fan iten Pwonupwonun Aaw me Pwot, Eppeting Maas, me Pwonupwonun Maas non unusen ei State.](#)

An Chon Chuto Pwonupwonun Maas

- Meinisin chon kame me chon chuto repwe fori pungun [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State.](#)

Nimenim

- Nimeti me aia ekewe nimenimen nieno paikin non ekkewe nenien angang, nenien chomongen aramas, me won ekkewe mettoch aramas ir mi attapa non nenien chon angang me chon kame fiti fengen me non me nukun ewe neni. Aea nimenimen nieno paikin mei punguno meren [Environmental Protection Agency \(EPA\) taropwe mei punguno meren](#) fan iten SARS-CoV-2 virus ewe mei forata COVID-19. Ese mo wor pisekin nimenim mei mak COVID-19, nge mei wor pisekin nimenim mei afat ika porousan epwe nom won ar website ren usun aean me ochun aean nieno ewe coronavirus mei fetan seni aramas.
- Nimetochuw non ekkewe imwen ngaseno fan ru non ew ran, pwan achochongeni epwe naf nimeniman me ekewe pisekin nieno paikin epwe kaor (sopw, churukami, hand sanitizer) non unusen ewe ran. Ew imwen ngaseno ese nimenim fan ruw non ew ran epwe kesip ika epwe or ew sign epwe makketa pwe ewe nenien ngaseno ese tongeni nimenim fan ruw non ew ran.

Sakkun Sain

- Pacheta [sain epwe fat](#) tetenin ekkewe esisinen COVID-19, tingor ngeni chon angang, volunteer me chon chuto ir mei wor rer ekkewe esisinen ewe samwau pwe repwe nomwonong non imw me aiti ngenir io repwe kori ren an epwe anisir.
- Nounou [sain epwe fat](#) pesei ngenir ar repwe atowawa nefiner me emon.
- Pacheta [sain epwe fat](#) fan iten tichikin aean pwonupwonun aaw me pwot, eppetin won maas, ika pwonupwonun won maas.

Sopwosopwun Met Mei Menei Epwe Fis

- Ekewe neni chomong aramas ir mi pwapwaiti ar repwe nomw ian (mi pachenong ekewe nenien kukunou an semirit, sokkun nenien kukunou non me nenien etto kukunou nukun) repwe kesip.
- Ekewe nenien tumunun semirit esapw suk.

- Euku chochon ew mwicheich ngeni 10 aramas ika fen kukun seni. Non ekkewe neni ir mei aea fengen nenien momot, kosapw ochufengeni chon mwicheich/chon chuuto ika pwe rese finata pwe ir mei mochen repwe chok chufengen. Aramas ir seni ew mwicheich repwe mot ren ew chok chepen esapw pwan onuw (6) fit towawen nefiner.
- Kosapw mut ngeni ekkewe mwicheich (ew meicheichen aramas ukukun 10 ika kisi seni ir mei wareto chok fan ew ngeni ewe neni) ar repwe chommong fengen non ewe nenien park chitosa me pwan ekoch kinikinin non ewe neni nge epwe tam fansoun me nukun chok ar repwe angei/eniwini pisek me ar repwe tonong/tou seni war kewe chitosa.
- Tumwunuw ekkewe nenien an aramas nonomw mei wor nenien momot me chepen (e.g. nenien picnic, nenien asese, neni mi suk ngeni meinisin) ota echu epwe or ewe onuw (6) fit nefinen ew me ew meicheich chon eto non ewe neni. Pacheta sain epwe pessei ewe ourour ren towawen nefinen chon chuuto ren fitu mwicheich.
- Meinisin neni epwe kesip kunok 10 nepwin.
- Fiti ngeni met [Kapasen Ourour Fan iten Sitowa](#) ika pwe epwe wor angangen amomo masowen non sitowa non ewe neni.
- Nenien Kachito won-chitosa repwe fiti ei ourour fan iten nenien katon kachito repwe sanong won-chitosa [Phase Ruu Eureur ngeni Chon Amokutu Neni me Met epwe Fis](#).

Ngeni koukun an epwe tufich, ekkewe chon omwokutu ekkewe nenien kukunou ika apwpwa non me nukun (nenien maan, museum, nenien katon kachito won chitosa, nenien kitir me ataken sakopaten ira ning me ekkewe aquarium) repwe, nge ese pwan menei ar repwe:

Pwan Sopwosopwun Koukun Towawefesenin Nefinen Aramas

- Pessei ngeni kastomer ar repwe awesi ne kokonong me mwen ar repwe eto ngeni ewe neni pwe epwe fat fitemon chochon repwe nomw non ewe neni. Awora ew anen kokonong won fon epwe tongeni anisi ngeni aramas ar repwe utiwit nefon war kewe chitosa iwe repwapw tonong nupwen a wor koko ngenir ika text ngenir pwe a wor neni mei peen repwe tongeni nomw ian.
- Awora emon epwe wisen etiwonong ika tumwunuw fetanin chon chuuto non ewe neni me pwan nenengeni ewe koukun towawen nefinen aramas fansoun ar utiwit non nain, ar order, me pwan ar tonong me tou seni ewe neni. Kosapw eppeteni nenien tou fansoun kar.
- Awora emon chon angang epwe kakaton ika mi pwonueta ekkewe kapasen ourour an esapw nu seni 10 aramas, pwan anisi ekewe chon chuto ar repwe fori ekkewe onnuk.
- Awora chon angang epwe wisen nenengeni fetanin kastomer me non ekkewe neni ir mei soun no ngeni ian ren imwen ngaseno pun esapw wor ar repwe iechufengen non ewe neni.

- Fori an epwe chok ew anen fetan noffoch pwe epwe ekisano an chon chuuto repwe amarekan fengen. Pacheta sainen ew chok nenien fetan ian repwe kuna me ian, ika epwe tufich.
- Eukuku fitemon chon angang repwe wisen fori angangen aninis ngeni chon ew mwicheich.
- Pesei ekkewe chon chuuto ar repwe mwicheich fengen chok me chon non imwer nge esapw ekoch me nukun.
- Pesei ekkewe chon chuto repwe kochufengen resapw no fetan ian epwe weires an epwe pwonueta ewe onuw (6) fit nefiner me ion esapw chon non imwer.
- Pacheta ekkewe plastic ika kinas mei kurufat epwe nomw mesen ewe nenien cashier ika counter ren chon chuuto, ika pwan ren ekkoch kinikinin non ewe neni ian epwe weires an epwe tongeni pwonueta ewe onuw (6) fit towawen nefinen chon angang, volunteer me chon chuuto.

Nimenim/Angangen Nimenimoch

- Ekiki ne awora nenien totonun paw fan iten kastomer ar repwe tonu pour ren non me arun ewe neni. Mi och aea hand sanitizer ngeni paaw mei nimenimoch; ekkewe nenien sopai repwe awora hand sanitizer (epwe wor 60-95% arukor non) ngeni ekkewe kastomer. Hand sanitizer esapw ekkesiwini totonun paw ngeni chon angang.

Nenien emwicheich nukun

- Anomwu non kokot pwe non ekkewe nenien park chitosa epwe suk ew nenien park kesip ew fan iten an epwe tongeni tufich ewe koukun onuw (6) fit towawen nefinen fituw mwich.
- Pesei ngeni chon chuuto pwe repwe pusin uwou ener mongo, nenien unumer konik, me nimenimen pour (pachenong hand sanitizer).
- Pesei ngeni chon chuto pwe repwe pusin uwei ar kapich nupwen repwene no.

Pwan Ekkoch Nongonong:

- [Sain en mi tongeni pacheta](#)
- [An OHA Kapasen Ourour Ngeni ekkewe Nenien Angang](#)
- [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non unusen ei State](#)
- [An CDC Ourour ngeni Chon Nemeni ekkewe non Nenien Kunow me Imwen Urumwot](#)

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewei non fosun ekis, epwe mesemong ekkewe mak, ika nikinikin noun mi chuun. Kokori ewe Center ren Pworousen Health won 1-971-673-2411, 711 TTY ika COVID19.LanguageAccess@dhsosha.state.or.us.